



Inatsisartuni ilaasortat Knud Kristiansen kiisalu Gerhardt Petersen, ATASSUT  
-/Maani

**§ 37 naapertorlugu apeqqummut nr. 168-imut ikummatissat akiinut  
tunngasumut akissuteqaat**

Asasakka Knud Kristiansen aamma Gerhardt Petersen

Ikummatissat akii pillugit apeqquteqaatissinnut, matuma kinguliani tulleriinneri malillugit  
akissuteqarfigineqartunut, qujanaq.

19-08-2014  
Sags nr. 2014-102486  
Dok. nr. 1667793

Postboks 1160  
Tlf: 34 50 00  
Fax: 34 55 05  
3900 Nuuk

Email: pan@nanoq.gl  
www.naalakkersuisut.gl

**1. Gasolie/dieselip, petroleumip aammalu benzinap akiisa qaffanneqarnerat  
pillugu Naalakkersuisut ataatsimoortumik qanoq isummerpat?**

Ikummatissat akiisa qaffannerat Naalakkersuisut ilungersunartorujussuartut isigaat.  
Nalunngilarput ikummatissat akiisa qaffannerat inuit ulluinnarni inuunerannut  
annertoorujussuarmik sunniuteqartoq, assersuutigalugu benzinamik orsernermi  
toqqaannartumiinnaangitsoq, kisiannili aamma nioqutissat allat akiinut  
sunniuteqarnerminni toqqaannangitsumik. Taamaattumik ikummatissat akii  
qaffakkaagata tamatigut ajuusaarnartarpoq.

Taamaattoq Polaroil-ip akinik qaffaaneranut suliffeqarfiup annertunerusumik  
sinneqartooruteqarnissaa pissutaasanngimmat isiginiassallugu pingaaruteqarpoq.  
Tamanna pingaartumik Polaroil-ip 2014-imi uuliamik pisinerani akiusup, 2013-imi  
pisinermi akigitinneqarsinnaasasumit qaffasinneruneranik pissuteqarpoq.

Naalakkersuisut nunarsuarmi niuerfimmi akigitat sunniuteqarfiginissaannut  
periarfissaqanngillat, taamaattumillu pissusiviusuni ikummatissamut atuisunut akigitat  
sunniuteqarfiginissaannut periarfissaqaratik.

**2. Naalakkersuisut Polaroil-imik piginnittut  
akuliussimasariaqaraluarnertut ikummatissallu akiisa qaffanneqarnerat  
pinngitsoortillugu imaluunniit allatigut sipaarniartoqarsinnaanera  
periarfissarsiorfigineqarsinnaagaluarpa?**

Ikummatissamik pilersuineq pillugu kiffartuunneqarnissamut isumaqatigiisummi  
allassimavoq, isertitat aningaasartuutillu tunisinermit kiffartuunneqarnissamut  
isumaqatigiisutit ataaniittunut attuumassuteqartut aallaavigalugit atuisunut akigititaasut  
aalajangersarneqartassasut. Ikummatissamut akigitat taamaalillutik nunarsuarmi  
niuerfimmi akiusunut naapertuupput, ilanngullugit uuliamut suliarineqanngitsumut  
akigitat, akuiaaffinnut aningaasartuutit, Amerikami dollarip nalinga kiisalu  
assartuussinermi, tunisinermi, sillimmasiissuteqarnermi il.il. aningaasartuutit.

Tamatuma saniatigut aalajangersarneqarpoq Polaroil sumiiffinni kiffartuunneqarnissamut isumaqatigiissuteqarfiusuni ikummatissamik tunisinerni agguaqatigiissillugu ukiumut 40 mio. koruuninik isertitaqarsinnaasoq. Siusinnerusukkut sinneqartoorutissanut siunnerfigineqartut 16 mio. koruuniupput. 2009-imi Polaroilip tankeqarfiini iluarsaassinissamut kinguaattoorutit annertut paasisimaneqalerput. Kinguaattoorutit taakkua angummaffiginiarlugit sinneqartoorutissanut siunnerfigineqartut 40 mio. koruuninut qaffanneqarput, piumasaqaatigineqarluni 24 mio. koruunit amerlissutaasut iluarsaassinermut atorneqassasut.

Taamaattumik Polaroil-ip akigititanik annertunerusumik sinneqartooruteqarniarluni qaffaanngilaq, kisiannili nunarsuarmi niuerfimmi ikummatissamut akigititanut qaffakkiartuinnartunut matussusiiniarluni qaffaalluni. Ineriartorneq taanna Naalackersuisut sunnuteqarfigisinnaanngilaat, taamaattumillu naliliisoqarpoq Naalackersuisut tungaanniit akiusut qaffannerat pinngitsoortinneqarsinnaasimanngitsaq. Tamanna sivisuumik ingerlanneqarpat ingerlatseqatigiiffiup aningaasaqarnerata nungusarneqarneranik malitseqartussaassaaq.

Taamatutaaq naliliisoqarpoq Naalackersuisut Polaroil-ip annasaqaatigisassaannut akiliutaasinnaasunik allanik imaaliillaannarlutik sipaaruteqarsinnaasimasinnaanngitsut. Naalackersuisut RAL-ip assartuussinermut akigititaannut pisartutut, ikummatissanut akigititit akuerisussaannngimmasigit, aamma Polaroil-imut toqqaannartumik piumasaqaateqarnissaq periarfissaqarfigineqarsimanngilaq. Taamaattumik Polaroilip aaqqissuussaanerani sipaaruteqarnissamik imaluunniit aaqqissuusseqqinnissamik piumasaqaateqartoqassappat, tamanna Namminersorlutik Oqartussat piginnittutut periusissaat atorlugu aallartinneqartussaavoq.

Taamaattumik maluginiaqquneqarpoq Inatsisartut UPA2014-imi aalajangiimmata, UPA15-imi KNI A/S-ip siunissami piginnittutut periusissaanut aalajangiiffigisassamik siunnersuummik saqqummiussisinnaanissaq siunertaralugu, Naalackersuisut KNI-mik nalilersueqqissaarnermik suliaqassasut. Nalilersueqqissaarnermi tassani Polaroil-imik aammalu nutaamik aaqqissuussineq suliffeqarfimmu innuttaasunullu pitsaanagerusunik atugassaqartitsilissanersoq naliliineq ilaatinneqassaaq.

**3. Naalackersuisut pilersaaruteqarpat akuliutissallutik taamaalillutillu assersuutigalugu Polaroil peqqullugu akinik qaffaasoqanngikkallarnertat akit inisseqqinneqassasut?**

Polaroil ikummatissamut nunarsuaq tamakkerlugu niuerfimmi pisiarisaminnut akiliisussaavoq. Naalackersuisut ikummatissamut akigititap piviusuunngitsumik appassisumiitilerlugu naalakkiiniarsarissagaluarpata, tamanna attanneqarsinnaassanngilaq.

**4. Naalackersuisut timalimmik sulissuteqarusuppat Polaroil-ip siunissami ingerlatsinerminut peqqumaasiviillu aserfallatsaalinissaannut aningaasartuutissaminut matussutissaqarluarnissaa qulakkeersimaneqaqqullugu suliffeqarfissuup KNI-ip sinnerata aningaasatigut mangiaasarnera unitsissallugu?**

Kiffartuunneqarnissamut isumaqatigiissummi allassimavoq Polaroil-imiit KNI-ip immikkoortuinut allanut taperseeqatigiissitsinermik iliuseqarnissaq akuerisaanngitsaq.

**5. Matumani pineqartumut atatillugu Naalackersuisut allanik immikkut taasaqarusuppat?**

Polaroil ukiorpassuarni ikummatissanik pisinissaq sioqqullugu akiummik qulakkeerinissamut isumaqatigiissuteqartarpoq. Amerlanertigut nunani tamalaani aningaaseriviit/uuliamik niuertarfiit, Polaroil-ip piffissami aalajangersimasumi ikummatissamik aalajangersimasumik annertussusilimmik akiummut aalajangersimasumut pisisinnaanissaanik qulakkeerisumik, isumaqatigiissuteqarnerit tassani pineqarput.

Nunarsuarmi niuerfimmi akiusut ullormiit ullormut nikerartorujussuupput, aammalu suleriaaseq matuma siuliani taaneqartoq akigititat nikerannginnissaannut iluaqutaavoq, tamannalu Naalackersuisut tulluarterujussuuartut isigaat. Kingullermik akigititanik qaffaaneq ukioq ataaseq sinnerlugu qaangiuttoq, 2013-imi junimi pivoq.

Sioqqutsisumik isumaqatigiissuteqaraanni, akigititaq suna atorlugu uuliamik kingusinnerusukkat pisisoqarsinnaassanersoq, ilaannikkut uuliamik ulloq aalajangersimasooq nunarsuarmi niuerfimmi atuuttunit akikinnerusumik pisisoqarsinnaasarpooq, pisunilu allani iluatsitsivallaarani qaffasinnerusumik akiliisoqartariaqartarluni. Tamanna inissianut taarsigassarsinermut naapertuutipajaarpooq. Ilaannikkut paasinarsisarpooq nikerarsinnaasumik taarsigassarsineq niuernerusoq pitsaasoq, pisunili allani paasinarsisarluni tamanna niuernerusoq pitsaavallaanngitsoq.

Polaroil naliliivoq suliffeqarfiup piffissami 2008-imiit 2013-imut akigititanut isumaqatigiissutaa ataatsimut katillugit 197 mio. koruuninik inuiaqatigiinnut sipaaruteqartitsisimasooq.

Polaroil-ip qularnaarinissamut periusissaa taamaattumik piffissami tassani inuiaqatigiinnut niuernerusimavoq pitsaasoq.

Inussiarnersumik inuulluaqqusillunga



Steen Lyngé